

На хвалитех стихиры воскресны, глас 3:

1. Стих: Сотворити в них суд написан:/ слава сия будет всём преподобным Его.

Приидите вси языцы,/ уразумейте страшныя тайны силу:/ Христос бо Спас наш,/ Еже в начале Слово,/ распятся нас ради,/ и волю погребёся,/ и воскресе из мёртвых,/ еже спасти всяческая:// Тому поклонимся.

2. Стих: Хвалите Бога во святых Его,/ хвалите Его в утвержении силы Его.

Поведаша вся чудеса стражие Твои, Господи,/ но собор суеты исполни мздою десницу их,/ скрыти мяше воскресение Твоё,// еже мир славит: помилуй нас.

3. Стих: Хвалите Его на силах Его,/ хвалите Его по множеству величества Его.

Радости вся исполнишася воскресения искус приемша: Мариа бо Магдалина ко гробу прииде, обрете ангела на камени сидяща, ризами блистающася и глаголюща: что ищете живаго с мертвыми: несть zde, но воста, якоже рече, предваряя вы в Галилеи.

4. Стих: Хвалите Его во гласе трубнем: хвалите Его во псалтири и гуслех.

Во свете Твоем Владыко, узрим свет Человеколюбче: воскресл бо еси из мертвых, спасение роду человеческому даруя: да Тя вся тварь славословит Единого Безгрешного, помилуй нас.

Ины стихиры Анатолиевы, глас тойже

5. Стих: Хвалите Его в тимпане и лице, хвалите Его во струнах и органе.

Песнь утреннюю мироносицы жены со слезами приношаху Тебе Господи, благоухания бо ароматы имуща, гроба Твоего достигоша, пречистое тело Твое помазати тщащася. Ангел седяй на камени тем благовести: что ищете живаго с мертвыми; смерть бо поправ воскресе яко Бог, подая всем велию милость.

6. Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

Блестаяся ангел на гробе Твоем животворнем, мироносицам глаголаше: истощив гробы Избавитель плени ада, и воскресе тридневен, яко Един Бог и Всесилен.

7. Стих: Воскресни Господи Боже мой, да вознесется рука Твоя, не забуди убогих Твоих до конца.

Во гробе Тя искаше, пришедши во едину от суббот Мариа Магдалина, не обретши же рыдаше с плачем вопиючи: увы мне Спасе мой! Украден был еси всех Царю. Супруг же живоносных ангел внутрь гроба вопияше: что плачещи О жено; плачу, глаголет, яко взяша Господа моего от гроба, и не вем где положиша Его. Сия же обратшися вспять, яко виде Тя, абие возопи: Господь мой и Бог мой, слава Тебе.

8. Стих: Исповемся Тебе Господи всем сердцем моим, повем вся чудеса Твоя.

Евреи затвориша во гробе Живот, разбойник же отверзе языком наслаждение, зовый и глаголя: Иже со мною мене ради распныйся: сообеси ми ся на древе, и явился мне на престоле со Отцем сидя: Той бо есть Христос Бог наш, имей велию милость.

Слава, стихира евангельская.

И ныне, Богородичен: Препоблагословенна еси Богородице Дево:

Славословие великое.

По славословию тропарь:

Днесь спасение мiру бысть,/ поем Воскресшему из гроба,/ и Начальнику жизни нaшея:/ разрушив бо смeртию смeрть,// победу даде нам, и вeлию мiлость.

И ектении, и отпуст.